

言
合
刻



A. 26
V.
L. sive. 13
Aliquot panegyrici
Mandarinorum Sinensium
(quales sunt Colai, & Tri-
bunalium Præsides) alio-
rumq; illustrium viro-
rum, in laudem P. Ivan-
nis Adami Schall Soc.

IESU eiusq; Astron-
omiæ instau-
ratæ.



Universitäts-Bibliothek München

Universitäts-Bibliothek München

2^oP. or. 23

W

Orphan's she Lambay N°5

(a 26)



碑記

大宗伯胡老先生贈修新曆文

台號菊潭

益聞祥開策鼎肇紀於綜術序官法表律衡合
符於章蔀中氣渢顥夏而人統歷殷周以建殊
莫不御協三辰用和萬國雖經九黎之亂何改
六德之施三代以來七政漸謬閏餘乖次春秋
有晦食之譏推步踈浮漢世失歲差之準繇太
初至大統敬授精研致合朔與交宮承訛溪訂
惟西儒道未湯先生沉醉天學涉獵象占胸鮮

十二家之爭長仰觀恒足跡周八萬里之遐討
參晷彌親載寶笈而燕游適正朔之廷議玄扈
徐文定公探儲促膝快容成之再逢闢局操觚
識守敬其未密先生亘新儀制測筭拾前人所
遺幾閱寒暄規畫求曆本攸當無膠瑟柱動四
氣之和止轉渾球定千歲之至如度分緯經於
天地如曜距赤道之高卑以至星宿有本行本
輪日月有真會視會歲差環轉歲實參差節候
分地而移蒙氣馮虛而異陽限不在二至交食

見各方隅畧舉數端章明新法俄疇人未及津
逮固靈臺所應珍藏百卷著自崇禎尚稽告朔
時憲頒諸順治遂正撫辰渾周髀勾股之異同匪
蠡測管窺之淺略等一世於百世洵可法而可

傳

綸命付史館弘宣肄習著官生永守以述明光聖作
奧抉天人取徵信釋群疑見超今古從茲克調
玉燭繼日策於軒皇爰在璿衡振風動於唐后
功非小補學有傍宗先是辭祿靖共兼秩以常

卿蒞事今者

疏榮制諭錫名曰通玄教師

詔富之典倍增崇賢之

恩特煥監弟子劉有慶等貸靈麗澤授指欽天高寵
辱之無驚游情造物淑理數於俱晰創則明時
擬勒堅珉用昭異數以僕從遊夙誼成美同心
輒邀筆墨之緣載闡澤火之治於時斗杓東指
庭卉南萌倣四序之如環春熙芸案歸兩儀於
太極籥叶葭灰證攷驗之一班仰智能之雙絕

敬書端委章示來茲

弘文院學士劉老先生贈天主新堂記

台號院仙

順治七年歲在析木日在鶴火孟秋之望肇國過從秦西湯先生所聞匠石聲叩之云稍新堂構以事

天主也爰請得而瞻仰焉見其實實枚枚也殖殖噲噲也制有縱橫印持十字倨句有倫崇庫中度樸屬堅好周以瓴甈即古人所謂審曲面執糱縣珉景者未易及此湯先生曰西式應爾也檐

雷之壁有兩石焉先生指而言曰一以著主教之因一以叙建堂之緣起也主教之說非子所悉余已自引其端子稍知曆幸爲我言治曆之事也肇國謝不敏先生固請肇國歛容曰治曆者先生久留之故傳教者先生遠來之故也肇國雖未悉先生之教然亦聞其梗概矣先生曰惟子言之肇國唯唯因言曰盡性知天事匪細也格物窮理功匪易也望而郤步謙讓弗遑者窒也實見得是高譚侈論者亦未能無敝也泰

西諸儒溯原竟委大無不括小無不闕知天所以生人之意知人所以事天之理以至設度審數制器尚象明其當然又明其所以然可變可通可大可久曲鬯旁達左右咸宜所謂不規而自圓不矩而自方者非耶又不敢自私其學舟航八萬里來入中國亦爲弘演教旨俾大圜之內厚載之上凡具耳目心知者罔不脩身立命無忝所生始滿厥願云爾而迺今以曆法特聞不知曆法僅其緒餘也雖探天地之高深步日

星之遠近仰觀俯察亦昭事之一端要之心性
學問實不在此然而先生亦良苦矣適館授餐
蟬精研思所製測驗儀器凡數十事皆古來曆
家所未及見者也翻譯載籍幾數百卷其所言
歲差環轉歲實參差天有緯度地有經度宿有
本行曜有本輪以及真會視會諸法皆古來曆
家所未及言者也其所測日月交食五星順逆
顯而可見者無不密合又治曆諸家所大相逕
庭者也彰明較著如此尚猶豫因循未能釐正

者幾及廿年况心性大事乎雖然識者知其有待也逮

皇清啓運統一寰宇曰遠人猶吾人也廩餼有加幹止如故可不謂殊恩歟

聖政聿新首察璣衡

旨曰治曆明時帝王首重舊曆差訛新法詳審用以正曆

敬迓天庥名曰時憲以著憲天父民之意適仲秋之朔日有交食先生以時刻分秒起復方位進

爰

命大學士馮老師率官公同測驗馮師素精於曆者
登臺比勘諸法皆舛而新法若符契然迺覆奏
報

旨曰新法密合天行盡善盡美見今定造時憲新曆
頒行天下悉依此法爲準以欽崇天道敬授人
時夫以廿年築舍之議決之一旦行之普天又
可不謂快舉歟先生乃私幸曰非遼人之功也
使遠人不負數十年苦心者實

天主之能力也迄今數年遵用不忒肄習者亦稍廣
先生迺因東偏之隙地構茲新堂以報

天主之仁慈以明

朝廷之優渥先生之用心至此益苦矣抑肇國覩斯
堂而有感也存心養性所以事天仁孝忠睦百
倫具舉傲妬貪淫百罹悉蠲不能觸目而微心
廻拘墟而睭盼之平生而眇者揣籥扣槃疑以
爲日知不然矣不知天者請視夫日不知日者
請視夫曆不知曆者請視儀器勿曰藝成而下

也技進乎道道成而上矣聖人旣竭目力繼之
以規矩準繩規矩方圓之至聖人人倫之至凡
覩斯堂者其亦重有感也夫

贈言

壽文

歲辛丑某月日

勅錫通微教師加一品大銀臺道未湯公介七袞觴
大金吾諸君子謀言於余以爲公壽其辭曰聞
之軒皇肇甲子則大撓董成虞廷在璿璣則羲
和典職易之革日天地革而四時成其象曰君
子以治曆明時帝王順天應人必有精思博聞
之佐應運而出窮神盡智以成一代欽若之憲

先皇帝御世立極敬天勤民首以授時爲亟而先生
以生知異稟秘授靈樞闡元會運世之法訂歲
紀日分之訛乃至析景別曠平五方之氣以利
民用順治十有八年間戎衣大介綏邦屢豐廩
廩無災艷蟻不育先生匡贊

英主躋一世於仁壽彰彰也以茲集致大年直取懷
而券耳公其有以進此者爲先生颺言乎余曰
唯唯如諸君子之言先生殆以術而寓乎道者
余謂先生則以道而忘乎術者蓋先生之全乎

道非以術教而以身教者也先生綜洽過偃韋
懸裁超甘石其學不爲不博母俟稽識披圖而
占緯常符不假登臺上庫而休咎畢協其智識
不爲不精遭

熙時展碩抱服被五章位階九列錫號媿於上真其
名業不爲不尊以顯然而博學不以長矜識精
不以市詭名業尊顯不以形驕倨士大夫之朝
夕習於先生者欽其卑牧飲其和醇而知驕陽
不介於其躬也坦坦愉愉絕町畦捐城府無刻

核以示厲而知沴陰不萌於其慮也舉一切世
態物情之爲疾雷震霆淒風苦雨無不有感而
立消忘言而自化是以告竈天札之患蔑由而
致豈藉斤斤晝昏夕之期候耕耘之節以祛害
戾而召休嘉者乎謂先生之壽其身以壽世在
此不在彼詎曰不然更進之而宣幽疏滯攝護
新天子冲德大之衍應五事以驗庶徵小之寓規折
柳以扶化育祈天永命無疆惟休先生之學於是
全乎大道先生之壽於是結爲大年也已諸

君子躍然曰是以觴先生遂書之爲祝

光祿大夫太傅兼太子太師吏部尚書中和殿

大學士前少傅兼太子太傅充纂修

順治大訓總裁乙未科會試大主考少保兼太子太

保吏兵工三部尚書都察院左都御史吏兵二

部右侍郎充丙戌己丑乙未三科

殿試讀卷官由己未科進士出身通家侍生金之俊

頓首拜撰

蓋聞命世大才經綸名教者不必華宗夏士撥

煩理亂澄氣濟世者不必八索九丘信哉其言之也以余觀於

道未湯老先生殆器大神宏而無愧於古之聖賢者與先生生於西海之濱航海數萬里至中華之地大海茫茫風波萬丈蛟蜃魚龍揚鬚奮舞或遇山石錯錯險若鋒刃舟觸之則立碎又海水鹽鹵不可下咽令人乾暘所歷數十國多鳥言卉服鬼神出沒而先生風帆數載若履平地所謂以道德爲干櫓仁義爲甲兵水不濡而火

不熟者先生之謂也前此先生未至中華時有利先生瑪竇者宣揚其教一時頗有信從之者然猶沕闇未著自先生由海壩北上廣著鴻書闡發至論如羣徵緣起真福諸籍與此中好學之士共聞共見而又接引後來勤勤不倦樂於啓廸所謂青天白日心事光風霽月襟懷先生之謂也自古帝王治天下最重曆法堯命羲和敬授人時以閏月定四時成歲允釐百工庶績咸熙夏小正及周禮月令之書莫不欽若昊天

茂對育物降及漢晉至於明初皆以太史掌之誠有見於天道爲人事之本原而敬天乃治民之實事也故風雨以時災沴不作百姓和樂萬物生遂則天下太平否則衡石程書無益於治智盡能索反滋之亂也乃先生精詳曆法測驗布算占星以分度立表以窮景日躔盈縮月離遲疾去極遠近十二宮辰不越掌握徑寸而得之而歲差環轉歲實參差天有緯度地有經度宿有本行日月五星有本輪日月有真會視會

又發前人所未發是以密合天行特膺

綸眷所謂博物君子學貫天人者先生之謂也天下
甚大九州之外復有萬國其安危理亂總以中
華爲轉移中華萬國之斗杓也故海不揚波則
越裳重譯而來朝大林國有神鐵之山若中國
之君有道神鐵卽自流溢鎔之爲劙以貢方物
此類不可勝紀然斗杓之轉又在人主一心先
生任太史之寄登靈臺望雲物如氣祲災祥知
無不言言無不盡而國家大事有關係安危者

必直言以爭之雖其疏章謹密不傳然而調燮
幹旋不止一端維袞有闕仲山甫補之所謂以
犯顏敢諫爲忠救時行道爲急者先生之謂也
或曰先生之人確然有道者也先生之教疑之
者半信之者半與儒者有異同吾子將何擇焉
余曰子未熟察夫先生之教也夫先生之教以
天主爲名原夫太始之元虛廓無形天地未分混沌
無垠冥昭瞢闇誰能極之陰陽之合何本何化
九重孰營八柱何當凡皆

天帝之所爲也主教尊天儒教亦尊天主教窮理儒
教亦窮理孔子之言曰下學而上達知我者其
天乎又曰天生德於予又曰獲罪於天無所禱
孟子曰存其心養其性所以事天也夭壽不貳
修身以俟之所以立命也易曰天行健君子以
自強不息古聖賢凜凜於事天之學者如此而
後之儒者乃以隔膜之見妄爲註釋如所謂天
爲理也含糊不明儒者如葛峴瞻諸人固已辨
其非先生之論豈不開發羣蒙而使天下之人

各識其大父而知所歸命哉謂先生爲西海之
儒卽中華之大儒可也先生之言曰各國各安
安於各法萬國各安安於公法法之公尚有公
於

天主者哉至於闡佛老縱橫逍遙之說爲不足致太
平此尤廣廈細桷之上所宜切切留意者又如
教戒貪姦教戒欺詐強暴等惡尤爲理性平情
之要旨克已復禮卽參贊位育皆可由此以致
之而謂先生之教與儒者有異同乎余向聆先

生之緒論見其諄諄以興起教化爲念而其著書之奧博宏贍嘗愧不能窮究其說今春届先生七袞之期其門下諸君子以文爲請余惟先生心同太虛學超物表方將延大椿之年以八千歲爲春八千歲爲秋與廣成先生入無窮之門鑑鏗安期之流固不足道特爲述先生之爲人與先生之學足以壽世壽國壽民其器大神宏有如此而百家之自私自利者可以改絃易轍而知所趨向矣是爲序

順治十八年辛丑夏四月之吉

賜進士出身都察院左都御史前加太子太保左副

都御史提督四夷館太常寺少卿兵科都給事

中翰林國史院庶吉士栢鄉魏裔介顧首拜撰

道未先生崛起海表不遠八萬里貌駕乎京師道

德洽聞傾動朝著時則貴臣擁彗當寧訪疇開

局治書都爲百卷燦然明備待時而行我

國家肇造九有卜年萬禩敬天授人首膺

召命先生以精微之學仰贊

欽文測景別疆提羲契和作訛成易上協乎辰紀析
因夷隩俯考乎方輿簡儀日晷極制器尚象之
能三角割圓有精義入神之法於是兩儀之緯
度經度星宿之本行本輪二曜之實會視會以
至環轉參差歲差歲實之別因時相地交食凌
犯之詳莫不運以密心深乎靈契元會運世表
天官之書迎日推筭布容成之筭是固一行之
所却步守敬於焉遜心者矣我

世祖章皇帝蘊剖軒悟兼性道崆峒之間遂叶風

雲柱下之言並叅帷幄登靈臺而望雲物正朔
肇頒執譜人以投虎豹羣芬底定

鋗之師號爵以上卿夜半受釐時席前於宣室
宸游多暇亦輦降於丹房東第之冠鳥如雲

尚方之間勞日至魚水之合鵠行所稀先生因是感

激恩知誓捐形迹睹時政之得失必手疏以秘

陳於凡修身事天展親篤舊恤兵勤民用賢納
諫下寬大之令慎刑獄之威磐固人心鏃勵士
氣隨事匡建知無不言賈生太息方當極治之

16
朝魏徵十漸以成貞觀之盛乃至猶阻相如表
抗韓愈抵觸忌諱罔憚震霆微聞拂耳終諧納
牖最後則直陳萬世之大計更爲舉朝所難言
司馬公之累表待罪范忠宣之頭鬚盡白血誠
輪囷早見長慮方諸古人殆有過之無不及焉
先皇帝神聖之姿羣下莫及獨於先生危言極論化
吁咷爲都俞止輦轉圜欣然樂受豈非以其至
誠約結焚草之忠匪同許激而孤踪獨立批鱗
之勇不繇旁贊哉迄今

龍鬚初遠丹檻猶新乃始發篋陳書泣然流涕感
聖度之如天慶孤臣之遭遇而與先生遊者亦幸得
窺伏_此叩閣之一班想造膝補天之盛事舉手
加額信仁賢之有益人國而益以見

先皇帝虛懷從諫貽

宗社無疆之庥爲千古所不再觀也

新天子手握乾符光昭繼述當周成負扆之年正旦

輿祈天之日先生以老成宿望再被

溫綸晉號通微俾仍師席輦帶三錫矢卷阿鳴鳥之

音精自

兩朝遲黃石赤松之駕爰值清和之令朔蔚爲校國
之嘉辰綠瞳赤舄無須鳩玉之扶鶴蓋文茵均
切鳬藻之忼高足弟子金吾潘君輩以余緣殷
圯履賞辱爨琴結縞帶之無慙披翟羅而授簡
書曰詢茲黃髮言國家圖任耆碩敦龐純固以
保我子孫黎民也爲

天子祝萬年焉又曰天壽平格言世之正人君子期
頤難老以其嘉言媯行集純嘏而綏邦家也爲

先生誦九如焉天休茲至咸有一德景星卿雲
諸福總萃然則先生之身視乎國家之景運綿
綿其未有艾也安期羨門竊眇無徵之言烏足
以申介眉而侑康爵哉

國子監助教前都察院左都御史充乙未文武
廷試讀卷官戶刑二部左右侍郎翰林院提督四譯
館太常寺少卿吏禮兵科都給事中甲戌科同
進士出身通家侍生淮南龔鼎孳頓首拜撰

座文

奉賀道翁湯老先生榮廕序

道未先生以治曆上襄

聖治中外奉正朔者幾達八維

新皇御極疏恩大小臣工而三品以上咸得蔭一子
入成均昭異數也先生以大銀臺加品加級而
例格于敎或謂缺典九月初旬奉

特旨湯若望係外國之人効力年久原無妻室不必
拘例其過繼之孫著入監欽此遂得以撫養幼
孫湯士弘咨送國學豈非異數中之尤異者哉

都人士莫不手額

聖朝立賢之無方而先生邀

恩之獨渥也門下士其等丐余言志慶余謂先生昌

明

天學詎芥蒂於身名矧復計承祧載責耶然而

國家酬庸大典周沿靡遺前者考績

疏榮及其先代今又曲體其啓佑同倫推錫嗣裔

從古未膺之榮自先生而始被非夙昔宣勞上

徽

19
繡衣烏能叨茲異數哉小宛有云螟蛉有子蜾蠃負之先生胞與殷懷不獨善其身之謂也法言亦云蜾祝類我久則肖之在士弘異日者黽勉于學思姱修立名圖所以肖先生以上報特恩斯亦諸士所共願然者矣

順治辛丑長至日

光祿大夫少傅兼太子太傅兵部尚書武英殿秘書院大學士西蜀胡世安拜撰

易稱餘慶必歸積善之家王者恩施逮下旣被

其躬又及其子若孫夫榮寵人心所希而且及
於數世謂之餘慶信非誣已士之有志當代者
揣摸攻苦致身青雲因而功見名立光增祖烈
澤廕孫枝蓋往往而有也至欲以絕域孤踪而
渥

帝眷清修道範而傳世家此則未之前聞而運際休
隆明良契合其魚水相驩恩遇彌見又有非恒
情所可逆計者若我道翁湯老先生產自西海
鄙齡悟徹性命辭骨肉入修士會年壯抱道東

來廸我中夏如揭日月而行中天嗣典曆務感
激

世祖章皇帝特達之眷冒言偉論雲蒸霞蔚末陳萬
世大計老成謀國

社稷實永賴焉今

皇上繼天立極推恩格外特

允送其撫養孫男讀書太學一時稱爲異數而余以
爲先生物外高人結知

英主力佐創垂功同補裕畧欵報國之衷超軼今古

則國家之所以報先生又何得以例拘乎此爲
非常之恩獨於先生有攸當也先生之門有金
吾潘君爾力事先生久凡先生夙夜在公君左
右之

章皇帝心鑒其勤勞畀以今官而今廕孫湯士弘又
卽君之子也然則爾力之獲庇于先生者甚厚
而先生真可謂澤及于其後慶餘於其家也歟
司天諸君子謬謂余知言索文爲先生侑一觴
余義不敢辭遂泚筆敷陳其槩云

旨

順治十有八年歲在辛丑菊月之穀日

太子太保禮部尚書前吏部左右侍郎內翰林國
史院學士詹事府少詹弘文院侍讀學士國子
監祭酒秘書院侍讀檢討國史院庶吉士纂修
明史會試同考武會試總裁武

殿試讀卷侍

經筵進士出身通家侍生王崇簡頓首拜撰

則言

一四

詩

道未先生邀同行屋貳公飲和蘭貢酒

胡世安

遐陬扇 皇風一十有三載古昔不庭區梯航來每
每和蘭輕重洋修貢自西海異物匪朝珍領葵應有
緯奇釀羅諸邦瓶貯色爭堆 丹宸凜禹箴惡旨寓
下逮頌予通微師故國味斯在秋色老梧桐幽軒殊
芳藹招飲共獻酬甘冽資澆磊手捧玻瓈杯心惟酒
誥諧沉湎絕 九重衍宴及臣宗先生廣此意觴政

贈一解

湯先生招飲上賜和蘭貢酒薛所蘊

聲教被遐荒和蘭重譯至方物多珍奇不貴越裳雉
維酒清且烈各國釀有制一種三器盛四種十二器
玻瓈製精巧燦爛文理具罌實色互映表裏如一致
舟航天際來蛟龍應所嗜扁鑰固重篋三年得供御
異人湯先生上前全拜賜持歸通微堂馨聞莊達暨
叩友二三人相延就客次啓罌懽命酌開樽心已醉
珀光與珊瑚精采難逼視甘露和瓊液不知何位置

盈盈異香浮霍爾消積滯平生耽麴蘖市酤甘酣寐
豈知天壤寬海外有此異譙樓笳聲疾嚴城將欲閉
醺然促歸輿仰嘆文德備

過訪道未湯先生亭上登覽聞海外諸奇

王 鐸

道未先生學貫天人養多淵秘心服其爲人
中龍象也予曾盡一卷被盜去因再書此以
贖遺失之愆知
道翁必大笑也

風動鈴旗樹影斜漆書竒變儘堪嗟他山鳥獸諸侯
會異國琳球帝子家可道天樞通海眼始知日路小

爪窪需時與爾探西極浩浩崑崙未有涯

殊方別自有烟齋一葉艅艎世外觀地折流沙繁品物人窮星曆涉波瀾眉間藥色三光納匣裏龍形萬壑寒好向橘官延受籙知君定不惜瓊丹

八萬遐程燕薌中如雲弟子問鴻濛慣除修蟠筭風息屢縛雄鯤瘴霧空靈藥施時回物病玉衡齊後代天工幽房剩有長生訣一笑攏鬚遇苑風

圖畫充厨始攝然何珠層閣揖真仙醉吟心映羣花下閒臥情遊古史前琴瑟中和秋獨奏銳鋩光怪夜

雙懸欲從龍拂求靈液只恐鸞車泛海烟

自白下聞湯先生之名今始見之而受經聽講

感喜而爲之賦二律

沈光裕

多才多藝者吾上謂周公公欲教天下自能超世中
勞謙無貴賤晉接一西東如此方稱聖無令願落空

其二

博穎通尼父修髯戒長公干言明一向萬國域其中
旨出爾行地曆成吾道東君糧不徒與我信豈誠空

題扇

魏裔介

大道先從沕漠開
羲文妙義一中裁
異端久溺虛無內
聖教還由敬慎來
凜凜心源思奉事
昭昭帝鑒在胚胎
堪憐憤憤多時輩
誰向洪鐘叩幾回

龔昌孳

先生與學貫人天南極星輝綺里年八萬路趨丹闕
迴五千言就谷神全忠深獻納傳封事道似羲文啓
後賢慙愧小儒難蠡測也容進履圯橋前

徐元文

高冥有真宰裔牒承其休乘此西來符沛乎塞四州
衍譯無剝義正始匪旁流兩間一大塊付形百形投
苟能擇所全奚必論剛柔先生獨全此寄跡傳虛舟
用托冠蓋中時以告王侯一曜補元氣瞬息同千秋
堅凝若混敦象教莫能儕愴此羣生者萬燭皆自謀
獨峙一標鑑曠然遺浮丘

霍叔瑾

雲海盪落日君猶此外家西程九萬里東泛八年槎
蠲潔尊天主精微別歲差昭昭奇器數元本浩無

涯

呂纘祖

維天開景運間世鍾奇人燮理分黃閣欽崇佐

紫

宸辨方識大塊裁刻見洪鈞寶號承

君寵應傳萬

萬春

莊因生

客有多髯者天涯結德鄰技餘奇噐錄心印古時人
問俗談偏勝探文理入新徃來知不厭長此飲光醇

邵一夔

敷揚真學歷挺垓九萬風波航海來教主一天非異
術功專七克化群才輿圖廣核通虛界時憲新推列
象臺宣夜從今規獨制却慚星聚奏雲台

吳統持

此邦誰可語西學自無隣海外推才子寰中景異人
天心通兩代曆法勝千春媿我曾投契重過父問津

陳許庭

26
發軔由西陸羸糧渡沃洲縹囊虫篆古名理鼎碑留
司契天爲撰標風誼更優攝提欣再整諾厄慰重修

勾股三層外盧牟六合週方聞逾象表博識徧荒陬
異雀星初紀金魚曜始收辰樞兩度辨觜宿五分求
晷影標新測渾儀正昔繆佐時今太史典職舊羲侯
洛下重逢聖區中自罕儔虛懷弘翕受邁齒著謙衷
海畔遙瞻紫燕臺幸御騶尚期下瑤榻摩頂荅崇丘

錢路加

吾師從西來大道契無始欽事天地尊三一總非二
嗟我中原人競爲邪所墜自聞天鐸音始悟超性事
拯溺在于淵明星導其自救焚在于烈聖水滅其熾

正教震京華八埏賴之利誰謂鳳禎奇孰云麟祥異
有此天際人誠爲國之瑞吾師有三絕財色與私意
吾師有雙絕治曆與演器勾測貫幾何郭李失其智
天子重師學借以爲卿貳紳士高其風輒以弟子侍
憶師離家思九萬里餘地浮槎弱水西三載始云至
布教在東方一百有餘季總其勞勸時六十又將四
不數世間年自有天國歲道旣誕其全猶遜以爲未

艾吾鼎

大西湯氏老道術果竒哉格物無遺理窮天能見胎

207. or. 23

則一言

學從羲和始曆爲帝堯開古法流于外今堪聖主
裁

董朝儀

擬爲先王書一聯作十字曰窮道脈源流奪天地造
化不識有以頌先生之萬一否是爲問

潘治


誰道西來阻且長乾坤何處得相忘大聲永夜呼將
旦胼足泥涂種出香萍寄中原四十載薪傳弟子數
千行功成天國自南面不共人間臣素王

28



20 P. N. 23







Universitätsbibliothek München